



Allegau A – schema de avisu

COMUNU DE ARRIORA

Provìntzia de Aristanis

C.A.P. 09070 - *Bia de Umberto I* n. 16 - tel. 0783.410219 - P.I.: 00070490958

e-mail: servizisociali@pec.comune.riolasardo.or.it/servizisociali@comune.riolasardo.or.it

Servìtzius Sòtziiu Assistenzialis

Servìtzius Sotzialis

AVISU PO ASSINNAI BONUS PO MANDIARI IN FAVORI DE PERSONIS E/O FAMÌLLIAS IN CUNDITZIONIS ECONÒMICAS E SOTZIALIS MALAS PO NEXI DE SA SITUATZIONI DE APRETU DE OINDII PO SA SPANIADURA DE AGENTIS VIRALIS CHI SI PODINT ATACAI APARI (COVID-19).

Cun Detèrmina de su Servìtziiu Sòtziiu Assistenzialis n. 156 de su 21.10.2020 s'est aprovau s'avisu po assinnai bonus po mandiarri in favori de personis o famìllias in cunditziunis econòmicas e sotzialis malas.

OGETU E BENEFITZIÀRIUS: si ghetat custu avisu cunforma a sa situatziuni de apretu po nexi de sa spaniadura de su virus Covid-19 e est destinau a agiudai a is **personis e is famìllias chi funt, in cunditziunis momentàneas malas**. Podint intregai istàntzia de ammissioni a s'assinnamentu de su bonu po còmporas is nùcreus familliaris, finas a unu genidori feti, in cunditziunis econòmicas malas, sena nisciunu arrèditu a disponimentu e mancuna àtera forma de sustentamentu chi si podit agatai allogau in banca o in sa posta.

Is interessaus ant a depi intregai dimanda mellus a **posta eletrònica** – a s'indiritzu protocollo@comune.riolasardo.or.it, a posta eletrònica certificada a s'indiritzu protocollo@pec.comune.riolasardo.or.it, acontessendi de non teni custas ainas, sa dimanda si podit intregai a su protocollu de s'enti imbuchendi-dda in sa cascita de is lìteras posta a foras de su Comune aintru de su

06.11.2020

Sa dimanda tocat de dda intregai impreendi su modellu auniu innui s'ant a depi inditai is rechisius de ammissioni postus a craru asuba.

CRITÈRIUS. Custu avisu est deretu a sa cuncessioni de su bonu po còmporas apustis de ai fatu s'istrutòria chi at a assinnai sa titulariedadi de su bonu po còmporas cunforma a is inditus de s'art. 4 de su disciplinari po poni in pràtica s'OCDPC n. 658 de su 29/03/2020 aprovau cun Delibera G.C. n. 31 de su 01.04.2020, is assinnatàrius s'ant a cuntatai a telèfonu o a posta eletrònica, e s'at a fai sciri ca funt benefitziàrius de su bonu, s'importu de cussu etotu e sa manera po ddu spendi. Is bonus po còmporas de paperi ddus ant a spaniai is voluntàrius.

PUNNAS: Is bonus po mandiarri serbint a integrai s'arrèditu familliarri po su chi pertocat su manìgiu de sa còmpora de sa cosa de papai o de prima necessidadi, cunforma a sa situatziuni de apretu de s'epidemia de immui.

SI LASSANT A FORAS: Si lassant a foras de is bonus in chistioni is nùcreus familliaris chi tirant arrèditu/pensioni de cidadinàntzia o cali si siat forma de agiudu pùblicu de importu a su mesi chi sartat is € 500,00 (cincuxentus/00) e cussu chi beneficiant de àterus istitutus previdenzialis de innui podi pigai sustentamentu (comenti po nai: Càscia integratzioni ordinària e in dèroga, stipèndius, pensionis, pensionis sotzialis, pensioni de inabilitadi, arrèditu de cidadinàntzia, cuntributus chi tenint de biri cun progetus personalizaus de interventu, àteras indennidadis chi tenint de biri cun s'apretu coronavirus e sighendi).

IS BONUS PO CÒMPORAS S'ANT A DONAI SEGUNDU A CUSTA SCALA DE PRORIDADI:

Prioridadi de assinnamentu N. 1. Nùcreus familliaris chi non funt assinnatàrius de mancunu agiudu pùblicu e chi ant tentu dannu de sa spaniadura de su COVID-19 e chi s'agatant in cundizioni de difficultadi econòmica mala, sena de disponi de nisciunu arrèditu e de nisciuna forma de sustentamentu chi si podit agatai allogau in banca o in sa posta.

Prioridadi de assinnamentu N. 2. Nùcreus familliaris chi non funt assinnatàriu, immui, de agiudu pùblicu, chi ant tentu dannu de sa spaniadura de su COVID 19, e chi faint parti de una de is categorias chi funt in su decretu Cura Itàlia e abetendi is mesuras de agiudu.

Prioridadi de assinnamentu N. 3. Nùcreus familliaris innui ddui at una o prus personis giai beneficiàrias de mesuras de agiudu pùblicu (Arrèditu de cidadinàntzia, arrèditu de inclusioni, Naspi, indennidadis de mobilitadi, càscia de integratzioni gadàngius, àteras formas de agiudu postas in contu a livellu locali o regionali e sighendi).

IMPORTU DE SU BONU PO CÒMPORAS. Mudat a segunda de sa prioridadi anca unu fait parti e de cantu est fatu su nùcreu familliaris, segundu a custas tabeddas:

Su tanti de s'importu assinnau a su nùcreu familliaris - Prioridadi de assinnamentu N. 1

Fàscia	DE CANTU EST FATU SU NÙCREU FAMILIARI	IMPORTU ASSINNAU
A	finas a 2 personis	€ 200,00
B	de 3 a 4 personis	€ 340,00
C	de 5 personis o prus	€ 400,00

Su tanti de s'importu assinnau a su nùcreu familliaris - Prioridadi de assinnamentu N. 2 e N. 3

Fàscia	DE CANTU EST FATU SU NÙCREU FAMILIARI	IMPORTU ASSINNAU
A	finas a 2 personis	€ 140,00
B	de 3 a 4 personis	€ 200,00
C	de 5 personis o prus	€ 260,00

DOCUMENTUS DE INTREGAI: autodeclaratzioni cunforma a su DPR 445/2000 chi cumproat is cunditionis de indigèntzia, chi est tirendi àterus sussidius impreendi su schema de dimanda auniu.

TÈRMINI PO INTREGAI IS DIMANDAS: Is dimandas ant a depi arribai a is indirizus de posta eletrònica inditaus o ponendi-ddas in sa cascita postali posta a foras de su Comunu **movendi de su 26.10.2020 e finas a su 07.04.2020.**

CONTROLLUS: S'Amministratzioni comunali, e in mesu a totu su Servìtziu Sotziali s'at a incurai de fai cuntrollus futus in fatu, po sa beridadi de is atestatzionis arremonadas in s'autodecraratzioni aunida a sa dimanda.

MANÌGIU DE IS DATUS PERSONALIS: Totu is datus chi at a lograi s'Smministratzioni comunali s'ant a manigiai cunforma a su Còdixi de su Privau D.Lgs. 196/2003 e de su Regulamentu UE 2016/679.

INFORMATZIONIS: Po ndi sciri de prus, is interessaus ant a podi cuntatai is Ufitzius comunalis **de su lunis a sa cenàbura feti de is 10,00 a sa 1,00 de mangianu** a su nùmeru 0783/410219

Arriora, 21.10.2020

SA RESPONSÀBILI
(Ass.Sotz. D.ssa Maria Eleonora Marongiu)